

# Lwitanyino kwi Bakiinga



*Yesu bamulungwile'shi :  
Ami, ne lusangukilo na muwa :  
Yawa akumiina mwandji,  
suunga ekala bapu kufwa,  
akekala na muwa.  
(Yoano 11 : 25)*

## Ben Ta Lombasha Bipwa Ekumi Nya

Ben bakatuka mu kulombasha bipwa kitema n'aye kufwa ku maladi a SIDA. Ni mbukinga bukile kile paye kufwa. Bi bu bishi bilonde paaye kukyenga bino biba kyengye? A bakitshine kini paaye kupete uno mukumbo ukata? Ben baadi mulolokye. Mase aaye ta abaadi kishima nya, na pa batapika aye bapono, bashimiishe mase ebungi a batukanga'shi bamwele angi mase. Ben bayikeele mukipungo kya bantu bashi bapasukye bya kuwuka'shi : yawa atusha mase, atusha ebuwa su ngena mukumbo.

Ta ba baadi abavuku bibuva nya, uno mukumbo ukata ukwate midiyo ya bantu. Mu bingi bipindji bya senga (mu Afidike suunga mu Asiya), ukwete kwipaana bya kukaanya, na misoko ishima ibapu kushaala bisumanga, balume na bakashi abafu, akushaala pangi'nka baana ba shiye. Mwanda takwi bwanga abupaasha uno mukumbo. Na lukonko alwipushwa binoo'shi : « mbua kini Efile-Mukulu batadiila kuno kukyenga ? ».

Lwalulo lwa kumpala lwi bino : « mbwa kini muntu bashimisha mpushisho yoso, ya bu muntu bwa kwikala na muwa, mubipaso bishi bilonde. Kushi kunangusheena'shi ngikashi yaaye ikumutwala ku bubi bukilekile : maladi na lufu, anka tampenda bwaye nameene, kyakya kipeta kilulame kya mikitshino yaaye ibi, anka pa mwanda wa bangi bantu, bamwifungishe na kifuko kyaye.

Uno mukumbo wi moo wande senga awi tutentekyesha bubi. Adama na Efa babalwishishe, mu ebalala dya Edena takudi bipwa na bipwa. **Kubanga kwakwa, bubi ; bu maladi abutandwa, bu bapalakana kwi bantu booso, na kufwisha lufu.** Pa mwanda wa kilubilo kya muntu umune, bantu bebungi babafu, suunga mbaaba bashi balube bw'aye. Ku kitoo kya muntu umune, booso baba tshibilwa kiimu.

Anka lelo, su takwekeele bwanga bwa kupaasha Sida, **Efile-Mukulu batusha lwalulo bwa kukaasha bubi na kufikisha bantu balulame, suunga bekala na bitoo bibungi ofundu Adama :** Aa su ta mukutwe kukokyela Efile-Mukulu ! Anka obe, ta kutshilwe kukokyela su ? To dimbile nya, suunga kwakula bi bubi su ? To kitshine kintu aki kutopeka eshinba dyobe su ? Byabya, we mulube obe nabeene ! kutala Efile-Mukulu akula mu bifundwe'shi : « **takwi mululame suunga ngumune, suunga ngumune tekwanka ... booso bwabo ni mbalube, babeyikasha banabeene bu bantu ba bisumanga ; takwi muntu akitshi bii buwa, takwi suunga ngumune** » (Looma 3 :10 – 12 ).

A bwanga mbuni ? bwi muulo wi bukopo ? Nya twena kyotusha, nkya buntu, we kufika mululame pa lukumiino ku mulambu ubelambwile Yesu Kilisto. **Ku lufu lwaye, Yesu kilisto bapetele kulekyelwa kwa milwisho bwa booso aba kumiina mwadi.**

Efile-Mukulu mululame paaye kushikwa bubi, aye ni mululame pa kufikisha baaba bepaane mu mufubo wa Yesu bu balulame. Ebapa muwa wa yikalayika. Mwina kukumiina bafu et bu balaala ma Yesu. Kikudi kisha kufwa kebende kwi Yesu na mbidi yaaye yibaaluluka bu lufufi, ayi kasanguka ku dyady'efuku.

### « MUPANGILWE » Kufwa

Mu ino myaku, su atukimbi mwaku wa maleeta abidi, atupete : kutandwa (né) byabya, mwana tooka, nka bu bepangwa byoso abiyuka ba tandwa pa senga, ba banga kwikala kwaye na muwa, na uno muwa awu kafudiila ku lufu, suunga shi lufu lwi bu kingi kipindji kya kwikala kwa muntu. Lufu ni elongo, kaasha dya penda bantu banunu suunga'shi basakukye, basha maladi a cancer suunga a SIDA, ndu ntale n'ami namu.

« **Ngi pa wawa mwanda, bu bibatwelele mulwisho pa senga pa mwanda wa muntu umune, na ku mulwisho lufu lubatwelele na'shi alo lubakidi byabya byabya kwi bantu booso, mwanda'shi booso babalwishishe** » (Looma 5 :12) twekalanga kwanka bu muntu shanafwe suunga nkuyididila mu shaleelo efuku dyoso kushi ku pasuka pa mwanda a mafuku eku kumpala. Nya, lufu lwi ku fudiilo eshinda suunga baaba abalwila nshaleelo, pa bakula abamba shi : « ...**Tudyeeyi na tutomeeyi mwanda malooba atufu** » (1 Bena Kolente 15 :32) na kumongo akikafiki nkini ? mashinda abidi elekeene : Papi n'Efile-Mukulu, mu muloo mwiwulu sunga kula n'aye, mu mpombo ya yikalayika mu kaalo kasufule ?

Kunyima kwa kupusha (Elango) mwisambo w'Efile-Mukulu pa mwanda w'eyikashi dyobe : mutwe wina maladi na eshinba dyoso dishima, ku mikoolo nya na ku mutwe byoso abyende bi bubi (Esaya 1 :5) muntu mufiite sungu, atomboka, akimbi balwishe ku mukaasha aye, afundu Efile-Mukulu shi : « **mbwakini makyenga ? mbwakini mukumbo ? mbwakini lufu lwa mwana ?** ».

Anka, nawuku, pa bintale ami, ne mutshibilwe kiimu, ne mulwishe, nena lukalo lwa kwibileesha patooka kulungula Efile-Mukulu, mwanda nena buufu bwa byandji mukite, mu kipaso kyanyikalanga mwikala. Efile-



Mukulu eku mfwila lusa su ? Oolo, mwanda aye ni « Efile-Mukulu sha lusa, sha bantu na kulekyela, sha sungu yi maleete na mukata ku kalolo » (Neeemiya, 9 :17) Ambashi : « Su milwisho yenu ngimongye bi nkula, ayikafiki soo bu (ntoshi) milemba ». (Esaya 1 :18) lusa alufwisha kufukama kw'eshimba. Na eshimba di mwasa diku ushibwa kaasha kwi bakuku booso ba pa senga, anka kwi Mwanana bupenka, yawa balayile kupetekyelwa kwaye'shi : « nwibalambukishe bya kulama bintu byoso binanenukamikile. Na talayi **ami nee neenu mafuku ooso mpaa na kunfudiiloa senga** » Mateo 28 : 20.

Afiki peepi na yawa mupasulwe ku bufuku na moo na mbidi kaalo, e kwanka kwi yawa ebupenka na maladi na musumbusheenwe kwi ba kuku baye, mu maalo na mu makyenga, Efile-Mukulu enka n'etu pa mwanda wa kwitufula, kwitunisha na kwitupa kufukama : « Nenulekyela kukama ; nenupa kufukama kwande ; ami ntanenupa bu abipeyeshena bena senga nya. Eshimba dyenu taditshinkishibwanga suunga kwikala na moo nya » Yoano 14 : 27. Kwiyikeela kwa munda sungwa nkeshi, mwanda suunga unmune, suunga muntu, tena bya kulwisha. Kishale nka kumuteka kyanka.

## **MU KAYISO KAFYAME**

Pankatshi pa shampumpu, pe kipindji kitaale na kya kufukama, epaka dy'ewulu di bulee. Pe mu muwa oobe kipunga akipuku, pe byoso tabyende kalolo, Efile-Mukulu epankatshi bu lubwebwe lwi poo, akulungula bino : « Shaala na kufukama, mwemene pe ayikalayika, na okulupile mwadi » Loono 37 : 7. Mu kulupile, kisha nguba peepi n'aye, disha namu a munda m'obe. Teka, nangusheena, badika esambi. Na ata kitshibilo kya'shi kipindji kyoso ki nka bupenka bwakyo. Bawula eshimba dyobe kwi bangi bantu, na otuule efuku dyoso bu kabingilo ka lutumbu.

Mu kufungula eshimba dyobe kwi Fumu Yesu Kilisto, we kwikala mu etaata na kupetekyelwa mu koobesha kwaye pe lufu.

**Mbyaluulwe mu Kisongye kwi ba mpika ba Fumu Yesu Kilisto mu Kabinda :**

Arthur NYINDU ASSANI

Ivon KILUBA KIBAMBE

Esther KIMANKINDA YANGONGO

Jenka NKAMANI MULAMBI

Matthieu KASHESHA NKONGOLO